

中國地方志集成

安徽府縣志輯 ⑥3

民國石埭備志彙編
宣統建德縣志



江蘇古籍出版社 ● 上海書店 ● 巴蜀書社

責任編輯 王華寶
封面設計 范一辛
美術編輯 姜 嵩

中國地方志集成

安徽府縣志輯⑥③

出版發行 江蘇古籍出版社

社 址：南京市中央路一六五號

發行部電話：〇二五—三三三三四六二

郵 編：二一〇〇〇九

印 刷 上海市印刷七廠

定 價 二二二二元

1998 年 4 月第 1 版第 1 次印刷

ISBN 7—80519—024—5/K·24

石埭備志彙編目錄

序 章 卷一 卷二 卷三 卷四 卷五

敘例

卷一

大事記稿 倪文瀾 集結補編

卷二

山川志初稿 陳爾康 倪文瀾補編

卷三

人物志初稿 張楚璣

人物志初稿 補陳惟壬稿

石埭備志彙編 目錄

卷四

金石志稿 謝夢龍

金石志稿 補陳惟壬稿

卷五

藝文志 上 蘇貽補編

卷五

藝文志 下 金榮補編

卷五

藝文志 下 補 謝夢龍

序

余自二十歲出交海內士大夫七十寓居天津今十有二年交陳一甫觀察
寓公今年七十有二矣石埭皖南萬山中歷世開出特異之士交久方知一
自少至老能一致其所經世變與人同所交王公貴族以及富貴貧賤之士與人同而立身
特與人異因書讀其石埭備志彙編不可不詳言其人之大略其一曰儉凡奢靡繁費向所
不爲人事迭更而一甫獨行吾素一日孝其先大夫逝世久矣而孺慕不衰特爲百歲紀念
之舉徵取時賢文字輯成巨集觀其先人猶生存於世也唯因儉而後有餘資乃爲旌濟之
事凡遇災荒及造永濟大橋以拯人生命恒不惜捐金巨萬皆人所周知者人所不知之善
事余亦不得而知也性喜遊以士大夫之身布衣草履國內名勝登涉幾遍又及日本未已
也將屆七十之年猶爲歐美之遊歸著紀遊巨編印以餉世俾人人知外國之禮俗夫務馳

石埭備志彙編 序

域外之觀者恒遺其鄉里之辭隘而一甫獨爲於桑梓之誼石埭文獻所注念因而從
事博採無間雖輒有疑難輒咨訪通人務求微實余見其十年之閒僞爲孝爲備志之
稿數經易寫不以爲苦此何所爲而爲者蓋由其孝之一念推而行之也夫吾孔子嘗稱禹
吾無間然非衣惡食而致孝乎鬼神儉也孝也禹學也一甫其禹之徒歟一甫生當末造無
尺寸之柄僅善其身與家以及其鄉縣人未知其本儉與孝二者而出故序備志彙編詳言
之方今世變之大觀前後五季而加劇人人反儉與孝之風更烈一甫一手所不能障亦歲
其書以待其人而已耳辛巳重九節八十一叟章校

力志之書史家具體所難得者資料及好古敏求之人任其事爾吾鄉同治季年邑人汪海
翁纂上江兩縣志其時大難初平文獻尙易求索已致歎於採訪之艱蓋官書有程分纂者
之見聞有限則以先事無人籌備也余少時與同學諸君屢擬分門庶幾爲之因循未果其

後遊宦客授生荒歲月上年開闢旋里亦頗有紀述以恭桑梓特喪亂之後故老凋零紀載不備會垣方聞之士逝者九原存者千里深以無從藉手爲憾茲一由觀營出所纂石埭備志彙編見示而問序於余余受而讀之既欽其善繼父兄之志又好古敏求獨爲其難史公所謂嘉義無窮者君其人也金君息侯當代立言君子嘉君老義爲作生傳並於備志藝文各門多所是正書凡一二萬餘言始於民國戊寅成於辛巳中開事變相尋石埭令長數易紳耆散之四方幾致中輟君鏗而不舍用志不紛物力之匱貨諸監河誤書之思繼之日復同輩慶幸觀書之成而不知君力之瘁也後世執筆以志石埭者可無吾邑梅翁之歎矣因憶章實齋文史通義有州縣設立志科之議後人證其言而不能行吾以爲用章氏之法而又得如一甫者任其事由邑而郡而省史學必日進於昌明余雖篤老猶將拭目俟之辛巳七月上元顧祖彭

石埭備志彙編

序

昔孔子言夏殷禮而以文獻不足慨然於杞宋之不足徵歸震川氏曰文獻之於世其可少乎設是故大而省郡小而州邑莫不有志桑焉信於今而傳於後若夫徵文考獻筆之於書以待修志者之採錄則士大夫之責也吾皖自清咸同兵燹後典籍蕩然名都大邑率多病記載之殘缺近二三十年來干戈相尋未遑制作修志之議閱焉益無所聞此邦人士所竊竊引爲深憂者石埭陳丈一甫思散佚之日久而百千後世茫無稽攷也凡關於其邑之掌故網羅蒐集細靡遺積年累月成爲是編石埭山水人物之盛多可紀述如龍巖如鳳嶺如唐之杜荀鶴明之湯文瑄皆舉筆者自茲以往雖不必涉其境而地之靈人之傑事悅然呈諸心目間詩云維桑與梓必恭敬止一丈蓋有之矣抑吾鄉賢士大夫倘聞風興起各就其邑之山川草木衣冠文物一一哀而錄之他日纂爲省志謂非蔚然一巨觀耶然則是編之成匪獨有功石埭且裨於全皖者實厚焉先民有言君子不忘乎鄉而後能及於天下

丈愛鄉如此推其所至則天下之被其澤也又當何如哉辛巳九月合肥龔心洪

修史修志以搜集故事爲難搜集果全筆則筆削則削計日可成余昔修清史及奉天黑龍江三省志皆先集故事總彙而分纂之先後告成皆本斯意不敢忽也吾友石埭陳君一甫留意方志既復刊康熙年舊志更議重修先搜集故事得大事表山川志金石藝文目錄亦各付印並訪錄史傳輟補人物志又以搜錄詩文屬爲鈐次余又見其先公百年紀念冊併爲選錄數十篇以備補入藝文之用（原冊附錄五六頁）此皆志事之難得者也遂力勸纂刊爲續修縣志張本他日志成當再執筆重書其後庶不負一甫究心文獻之苦衷也戊寅秋金梁

石埭備志彙編

序

敘例

邑之有志猶國之有史也昔人謂有良方志然後有良史知言哉余於民國六年從議修不縣縣志酌擬綱目表例及測繪簡章商諸縣長暨鄉里耆舊先從採訪測量入手時事紛擾國稿未完深引爲憾旋與邑人張君廣錄翻印舊志增刊續志及採訪錄近年由倪文伯蘇漁農陳棟存三君編訂山川志初稿志稿大事表及金石志稿目錄藝文目錄提要等編短簡用備存輯但徵文致獻不暇求詳人物一門關係尤重凡前民之盛業豐功懿行貞操或公積之表彰或私家之記載亟待詳其始末以昭後賢因就安徽通志稿列傳皖學編晦堂叢書家藏文存北江文集與其他已印行之著述文字其人其事可法可傳者加以甄錄民國十二年癸酉閏五月先大夫序賓府君即世百年之期四方親戚咸以詩文爲導揚誦多紀實金君思侯見之謂應附後刊布以供資料爲之選錄四十餘篇高誦遠誦有足多者

石埭備志彙編

敘例

其餘諸作擬另行彙刊俾光家乘傳君沅叔贈序謂收羅廣著則傳布宜刻叢書撥拾散亡則儲藏亟賴恢復所以勗勉者尤應奉爲圭臬沅叔又謂正學宜崇以起其衰醫院宜拓以救其疾亦多籌備試辦爲人卒謀福利爲方今海風風塵頗熾遠客皆懷邦族人物遽然伸紙抽毫不嫌觀聽將來續言紀事則仍以俟大雅宏達之君子嚆矢之授不敢以不文自護也茲擬凡例如後

一余蓄意續修縣志已歷年所屢次會商迄未得翔實完備之稿又以愧乏三長未敢造次從事茲僅彙集資料以備將來修志者之錄擇

一大事記稿倪君文伯蘇君逸農編輯自南漢迄民國二十五年中間時代事蹟有未登載者概付缺如茲就原稿稍加增易漏略仍所不免

一山川志初稿倪君文伯陳君誠臣於民國二十三年編輯僅就山脈一條略加更易以

便解目

一人物志初稿係鈔錄清史及安徽通志與其他著述之已印行者其不見諸紀載者尙待搜輯

一金石志稿目錄蘇君於民國二十二年編輯原本止列石刻今增入數則

一藝文志上卷書目提要就蘇君民國二十二年原稿略增數條下卷係金君思侯選錄

鄉先達著作必不止此值此世變人民遷徙靡常圖書散佚深以未能廣爲搜輯爲憾

一族姓譜牒關於藝文人物節孝諸類頗多可採年來交通阻隔城居者泰半避地遷移

雖余里居時曾錄縣署檔案與府志乾隆戊戌前尙有可採而此時均無法調查容俟

續刊免貽挂一漏萬之譏

一本邑士紳對於修志調查頗多資料迫於時局無從查取是編係屬草創性質實以時

石埭備志彙編

敘例

日尙擬繼續進行

一此次搜集編輯校勘各項文字非一人之力所能集事賴有邑人張君味參張君廣錄

桂君澄初蘇君劍秋數人扶助始得粗具規模謹記簡端以志雅誼

民國二十七年十月邑人陳惟千

大事記稿

邑人

縣志

太史公作史記於世家紀傳外刪繁撮要列爲十表以概括之所以便瀏覽也我石埭自漢始置縣茲略師其意就史之可考及事之有徵者自漢迄今分年紀事使本縣之政治沿革人文盛衰於以約略可觀本縣地僻人稀雖不著於世而傑出之士亦代有其人隋之左雖當唐之桂仲武宋之丁黼王鑑明之畢鏞皆見諸記載清之沈衍慶陳雲舉平生事蹟宣付史館立傳陳艾亦列傳於安徽通志此外如桂含章之羽翼經傳周穀之學說楊文會之佛學皆其最著者曾文正公與陳楊諸公相知最深有石埭多君子之語自茲而後願邑人保存其忠正耿直之秉賦發揮其瑰奇浩博之學術以繼往而開來編者此作遺漏外誤在所不免所冀邑之賢達多所匡正俾成信史尤所欣企也

石埭備志彙編

大事記稿

漢

武帝

元封二年 壬申 始析涇縣西境地置縣於陵陽山麓曰陵陽縣即今之石埭也屬丹陽郡封劉嘉爲陵陽侯

元封年間黃子明號伯玉涇縣人爲本縣令獲白魚剖之得方書明服食之法遂以石爲龍具采五石脂以益烹煉三年丹成於中元日上昇事見劉向列仙傳

光武

建武三十年 甲寅 丁琳徙封陵陽侯子鴻襲

獻帝

建安三年 戊寅 冬十二月曹操殺呂布以孫策爲討逆將軍封吳侯策自將討相即於陵陽

禽之

建安二十一年 丙申 郡陽民尤突受曹操印綬陵陽始安涇縣皆與突相應賀齊陸遜討破突丹陽三縣皆降封周泰爲陵陽侯泰卒子邵襲邵卒弟承襲

三國

吳赤烏中置石埭縣以縣西有三巨石曰頭埭中埭三埭皆橫臥溪中鎖連溪鴻陵溪管溪三水不通舟楫故名

晉

武帝

太康二年 辛丑 本縣屬宣城郡

成帝

石埭備志彙編

大事記稿

咸康四年 戊戌 避杜后諱陵改陵陽爲廣陽

梁

武帝

大同十年 甲子 以揚置石埭縣（按石埭在漢爲陵陽在晉改名廣陽隋始省入涇縣則梁時廣陽未廢不應更立石埭舊志據南梁志謂本漢陵陽石城涇縣地三國吳置石埭楊梁因置縣隋省入南陵恐有誤）

隋

文帝

開皇九年 己未 廢宣城郡置宣州石埭省入涇縣（文頤按舊志作者入南陵秋浦查隋書地理志宣城郡統縣六又在涇之下註云「平陳省安吳南陽二縣入焉有蓋山陵陽山

「等語而靈山陵陽山現均屬石埭其稱廣陽爲南陽者當爲煬帝時避諱之改名而隋書仍之則當時應爲省入涇縣矣再查平陳之年爲開皇九年正月共得州三十郡一百縣三百故舊其年於此」		煬帝
大業九年 民苦隋政暴虐續漢汪華聞杜伏威實建德爲亂亦起兵逐宣徽嚴藝饒等六州牧而據其地時埭屬宣今縣東三里之華村即紀念華之名者或曰華村即歐州城也		大業十三年 丁丑 境內盜起人不自保汪華死衆推左羅當據涇號總管鎮其地羅當與寶建德決勝東草樓放置中流制敵建德號曰樓溪復築城兩重於陵陽山前衆以其有功號曰歐州
石埭備志彙編 大事記稿		唐
高祖		武德初左羅當以地歸獻
武德三年 復置安吳南陽二縣置歐州於縣東三里之華村八年廢		武德六年 宋 詔授左羅當宣城大都督九州刺史宣通二司節度使封戴國公食邑二千戶 十一月舒州總管張鎮州舉輔公祏將陳當世於歐州之黃沙大破之
武德七年 二月輔公祏遣兵歐州刺史左羅當嬰城自守安撫使李大亮引兵破公祏壬子行軍副總管權文誨破公祏之黨于歐州拔其牧洄等四鎮		太宗
貞觀十三年 己亥 三月左羅當奏數舉本鄉松子嶺今改屬太平縣地		

貞觀十四年 庚子 左羅當子紹齊加都督襲戴國公孫仲明官都督襲父爵		武后
垂拱三年 丁亥 宣州申奏左氏祖墓有紫氣		神龍元年 乙巳 削左氏爵左羅當第三子紹本尚居石埭
玄宗		開元初歐州縣鄉置一學擇師教授杉山國清禪師有戒行屢詔入朝不赴因割三鄉稅租以贖僧衆置倉輸納至今地名貢口溪名貢溪
天寶年間詔訪海內名山福地石埭得列在內故敕於陵陽山建仙壇宮		代宗
永泰二年 丙午 元和郡縣志載是年洪府都督李勉奏割秋浦青陽涇三縣於吳所置陵陽		石埭備志彙編 大事記稿
城置石埭縣（文碩按代宗永泰元年爲乙巳至年丙午即改元大曆不當有永泰二年故張士範池州府志作永泰元年）並置池州石埭屬焉		穆宗
長慶中邑人七里桂仲武立平寇功爲福建團結使督管經略或云爲邕州觀察使又爲安南都護		文宗
太和六年 壬丁 桂仲武奏於閩劉禹錫有文祭之		懿宗
咸通年間沈祐任本縣令遷家於石埭		僖宗

乾符六年己亥黃巢陷官欽池等州官池刺史查幹字具瞻守官池二郡力拒黃巢及涇川敗績聞門義死本縣七都查城里爲吊射節地諸沈聚族賴以保障曾立忠惠祠祀之至今甲子歲名卸甲嶺者相傳即吊拒黃巢於此卸甲故名

中和元年辛丑賊王仲隱自秋浦之赤嶺寇祁門赤嶺今隸石埭爲通祁門要道

光啟二年丙午當黃巢作亂時兵據黃村阪邑人桂盛在七里作鄉礮路與里人設險禦之女金釵遇賊不屈投井殉節至今猶名金釵井（姚志載和州戴移孝考云礮礮路在七里爲故縣北門昔宋六朝北道在大溪之東車馬交通從秋浦達池州由黃溢至樅陽皆此一衣帶水唐僖宗光啓二年黃巢作亂里人桂盛恐東道易於馳突改道從西憑險可固上峭壁下急湍旅人側足而過）

昭宗

石埭備志彙編

大事記稿

五

大順二年辛亥邑人杜荷鶴登進士

景福元年壬子孫儒屯陵陽楊行密擊走之

景福二年癸丑邑人杜荷鶴登榜眼官至翰林學士知制誥

五代

年代待考西峯祖師童年游髮南安崇明寺即著靈異後至蓮花峯及杉山隨地卓錫湧泉便民灌溉至今遇旱人民猶奉祖師祈雨（據舊志載八九都赤嶺口之西峯庵係宋朝西峯祖師開建云當在宋初之時）

宋

本縣設知縣及尉各一人餘無考自宋朝幕官而出者則稱知縣餘仍稱縣令

太祖

開寶四年辛未宋滅南漢李後主大懼遣弟從善上表于宋請去國號改印文爲江南國主時南唐奄有安徽之淮南及江西福建等地

開寶七年甲戌宋遣曹彬水陸並進取池州以昇州之銅陵青陽並屬之次年十一月金陵

城陷南唐李後主肉袒降于軍門先是南唐時升池州爲康化軍轄貴池建德石埭三

縣尋復爲池州

太宗

太平興國三年戊寅東流縣原屬江州至是改隸於池州州又隸於江東路

太平興國五年庚辰縣治西三里萬春山建崇壽寺後遷於縣西門改爲觀聖道場南安崇

明寺金城山開福寺均賜額

淳化元年庚寅邑人左嘉善（左難當第十六世孫）以鄉貢士辟爲御史

石埭備志彙編

大事記稿

六

淳化五年甲午邑人左端忠（左難當第十七世孫）薦舉歷任汝南知縣

眞宗

咸平二年己亥邑人左觀國授諫議大夫

仁宗

慶曆初始詔天下州縣皆立學由是歷代相沿不廢

皇祐四年壬辰遷萬春山崇壽寺於西門之迎恩橋爲觀聖道場並賜額焉即今之孔廟址

英宗

治平元年甲辰八九都福慶寺十二都明覺寺饒益寺均賜額

神宗

年待考邑人華村孫茂恭仕於朝一門同仕者十八人

熙寧八年乙卯大旱八月城內楊家井成井欄上有陳仕會篆文今猶存

哲宗

元祐九年甲戌僧處許在蓮花峯頂開山建海獅庵至徽和末年琳宮燦燦設像瞻殿

高宗

建炎二年戊申宜興人沃彥以鄉貢進士任本縣令

紹興元年壬子邑人桂宗振修道於金城洞煉氣服食端坐而化清香滿野

紹興八年戊午邑人王繼登進士仕至右司員外郎兼直學士院侍講

紹興十七年丁卯邑人王源（錄長子）登進士仕至朝奉大夫成都轉運判官 敕賜舒姑

廟額爲顯濟在縣南二十里古溪溪之旁蓋山之下先是前漢蓋山之下有舒氏三女遇

桃從溪出分食之忽坐化其母爲歌歌招魂有朱鯉一雙游泳來迎故名化鯉溪並更延

石埭備志彙編

大事記稿

七

溪爲舒溪

年待考邑人三都晚山夏實貴位至大將軍居京師教於里居迎恩橋建第（即今城內夏

家巷）夏氏世居蓋山之下橋梁園館甲於一時即今之夏村

孝宗

淳熙十四年丁未邑人丁嗣登進士（文碩考爲縣志以是年爲乙酉茲從辭源之附錄作

丁未）文碩又考黃宗義著宋元學案列丁嗣爲徐誼門人於卷六十一徐陳諸儒學案

中謂嗣大父執中徐州人南渡後徐爲戰地卜居青陽尋遷石埭父泰亨宿儒也自教之

嗣氣疎神悟誦書觀行遠爲徐文忠門下第一忠肝義膽精明玉潔足以廉頑立懦其端

人也等語此爲宋史及縣志所闕略者志稿列傳已據以訂正特補記于此

寧宗

嘉定七年甲戌邑人賈溪桂大受登進士

嘉定十六年癸未丁嗣被召赴行在累官軍器監敷上封事言大臣不法事累進累職以直

秘閣知信州吉州皆有聲其德秀爲江西巡撫薦之詔遷提刑尋充四川夔州路安撫使

兼知夔州時崔菊坡方帥四川聞嗣至喜贈詩所謂同志晨星少孤雲暮雨多者也嗣蒞

夔疏上十事憲大治乃以右文殿修撰充廣西副制置使守靜江

理宗

寶慶二年丙辰桂大受授通功郎後復爲本縣尉（張士範池州府志作寶慶三年）遂遷縣

治於七里以四面皆山故不立城郭因掘珠嶺爲東門南山爲南門處嶺爲西門礮礮路

爲北門越六年致仕後任復遷縣治于陵陽山之下

端平三年丙申丁嗣爲四川制置使兼公都侍郎殉難於成都府（文碩考宋史列傳忠義

石埭備志彙編

大事記稿

八

九及宋元學案均作嘉熙三年與後贈諡立廟年代不符史有誤

嘉熙元年丁酉詔贈丁嗣光祿大夫顯謨閣大學士諡恭愍即鄉邑立廟祀之 桂大受卒

葬峨眉山即宅下

嘉熙二年戊戌五月丁恭愍公祠落成於山川壇之東賜額曰褒忠其子姪輩一時皆仕於

朝明嘉靖十八年丁理始遷祠于四都故居時祠內附有丁公書院（祠碑記）

開慶元年己未邑人楊綱登進士仕至四川成都府知府

景定五年甲子東流縣進士章文子拾遺一口於楓珠嶺饒益寺今存

元

縣設宣差一員即「達魯花赤」以蒙古人任之號爲監邑王掌印務又縣尹二員漢人任之

號爲司判正官掌縣事又教諭一員餘無考。

世祖

至元二年乙丑（即宋度宗咸淳元年）軍兵營寨於海獅嶺毀寺里人湯致政輸錢三十貫（時每貫值銀一兩四錢二分八厘六）得免（海獅古蹟碑）

至元十四年丁丑改池州爲池州路總管府屬江浙行中書省江南道宣慰司

成宗

大德四年庚子忻都任石埭達魯花赤時承舊制歲輸秋苗二萬八千担解府上下山阪所費不貲忻都請於當道改爲輕齋民便之立宣化碑以頌德

英宗

至治元年辛酉邑人儲璠登進士授贛州倅

順宗

石埭備志彙編

大事記稿

九

至正十一年辛卯十一月趙普勝周驥等據池陽太平諸郡江西省平章政事星吉募兵趨

銅陵克之擒周驥遂復池州分兵攻石埭諸縣

至正十二年壬辰縣衙內製錦亭懷仙樓均燬於兵

至正十三年癸巳三月十八日黑氣亙天風雷大作兩物若果核閏月復兩郡中爲甚青陽

次之本邑又次之謂其實食之似松仁時陳友諒寇池州郡邑受害之慘其甚與不甚猶

雨核之狀咸以爲上天示警之驗

至正十七年丁酉明太祖以池州尚未攻克將石埭權隸宣州

至正十八年戊戌二月李文忠進取青陽石埭太平旌德皆下之四月陳友諒寇池州愈

通海尋復池州趙德勝略石埭擒友諒將錢清

至正十九年己亥三月陳友諒遣將寇甯國太平縣明胡維庸等擊敗之復寇青陽石埭張

德勝敗走之

至正二十一年壬戌明太祖平池饒十月以石埭屬池州改池州路爲池州府（八月改

九華府嗣復稱池州）編戶一十三里維時二都境鼓山來陽凡竹葉皆生白鹽居民每

日試取食之陵陽山下有泉一竅湧出田中味甚鹹居民煎成鹽至今猶以鹽漬所名田

至正二十四年甲辰明太祖稱吳王邑人一都胡慶以百戶從征屢著戰功授江南都指揮

使鎮守石埭縣食邑三千戶保障一方

明初年待考七里地屬漢明太祖遣將劉謙討之邑人桂一季率鄉兵爲先鋒戰死贈衛銳

舍人

明

本縣設知縣縣丞（後裁）主簿（裁）革成化十九年知府常顯奏復嘉靖十年仍裁（典史儒

石埭備志彙編

大事記稿

十

學教授各一員訓導二員（正德年汰有一員後復）廩膳增廣生各二十名附學不置類

陰陽學訓科（陰陽生六名）醫學訓科（醫生一名）僧會司僧會道會司道會各一人吏

戶總兵刑工各司吏一人典史一人承發司典史一人儒學司吏一人

太廟

洪武元年戊申陳祿任本縣知縣時學宮因元末經兵燹不存續建之八月建南京罷行

中書省本府直隸南京省

洪武三年庚戌知縣陳祿創建縣行臺於紫微坊東

洪武五年壬子知縣尹安懿砌街衢疏通溝道建立坊巷民始復業先是城內因兵燹守禦

官廨將街磚揭砌墻垣人民離散自是相繼區畫本城爲大街者一小巷者十五復有沿

溪街市貨客貿易頗盛察院落成續建學宮堂齋門廊復建城隍廟遷顯濟廟於金城山

麗今爲三聖祠明清二代每歲九月九日致祭列祀典焉

洪武六年 癸丑 知縣尹安創建府館三間於縣急遞舖之西

洪武十四年 辛酉 秋大水壞民田

洪武十九年 丙寅 先是在縣治東有三皇廟以醫學立至是廢

洪武二十二年 庚午 一都谷塔領鄉薦官至知州

洪武末年知縣孟常一意撫字祀名宦

成祖

永樂三年 乙酉 坊市陳琳領鄉薦

永樂五年 丁亥 十月十五日帝因仁孝皇后崩逝諭天下僧衆赴會本縣捐珠襖饒益寺僧

與焉

石埭備志彙編 大事記稿

十一

永樂六年 戊子 十一都胡寬領鄉薦官至興國知州

永樂二十一年 癸卯 二都章程領鄉薦官至常德府學教授

英宗

正統九年 甲子 敕旌四都楊時遇上五都方守仁爲義民先是邑大饑守仁出穀二千五百

石時遇出穀一千五百石助賑有司以聞賜敕獎勵

景宗

景泰七年 丙子 坊市陳廷簡領鄉薦

天順三年 己卯 二都章廷桂領鄉薦

憲宗

成化元年 乙酉 一都李廷璋領鄉薦

成化二年 丙戌 李廷璋登進士官至雲南按察司副使

成化七年 辛卯 八九都吳必顯領鄉薦知縣徐冕去年到任修葺學宮今成殿廡門牆堂齋

號舍煥然一新冕在任九年邑人曾立忠良祠與尹安同祀焉

成化十九年 癸卯 大旱

成化二十年 甲辰 大旱饑知縣蕭環來任事

成化二十二年 丙午 十二都張輝領鄉薦

成化二十三年 丁未 吳必顯登進士官至長沙知府 是年於城子山前創建紫潭書院

知縣蕭環因治南民田連兩旱不秋乃於洪口築堰一處鑿溝約三里兼蓄舊溝交流上

下民賴其利至今以蕭侯名陂

孝宗

石埭備志彙編 大事記稿

十二

弘治元年 戊申 歲大饑先是本縣原有縣前急遞舖及博山急遞舖(在琉璃嶺博古橋下)

知縣蕭環詳准增設夏村與舊口兩急遞舖舍以速郵傳均於三年建成

弘治三年 己酉 邑人李宅與孫祥建柳村石橋後爲溪水衝圯今猶僅架木橋

弘治四年 庚戌 張輝登進士官至福建按察司簽事

弘治五年 辛亥 知縣蕭環因新城隍求雨驅虎均有驗於廟內建感應亭一所

弘治九年 丙辰 大水出蛟壞民田廬

武帝

正德五年 庚午 坊市陳續領鄉薦官至武昌府同知

正德六年 辛未 歲大有

正德七年 壬申 夏流賊劉七劫掠江中邑人震恐已而有土寇之變無辜罹殺戮者甚衆

先是三年前曾有彗星見於西方 冬間說言雞犬爲祟屠之殆盡

正德八年 癸酉坊市陳永芳領鄉薦

正德十一年 丙子二都章瓊領鄉薦官至北京國子監學錄

正德十四年 己卯宸濠太祖第十七子寧王權之裔時武宗無嗣遊幸不時宸濠久覬覦王位遂反敗後被殺于通州犯安慶江洋騷動邑有勤王之役旋即罷之

世宗

嘉靖三年 甲申邑人陳孫翰資協助建政通橋橋在琉璃嶺下之夾溪舊名夾溪橋原址當水勢之衝易以崩圯至是遷於上流石壁間即今之博古橋民國廿四年築省屯公路折橋改建

嘉靖五年 丙戌二月申明鄉約先是洪武禮制每里設立里社壇場一所就查本處淫祠寺

石埭備志彙編

大事記稿

十三

觀毀改爲之每里長一人於春秋二社讀抑強扶弱之約文於里內還有齒德耆一人爲約正有德行者二人副之依鄉約置戶籍二扇或善或惡各書一扇月朔一會是爲鄉約公所清代仍之惟名存實亡已失真意

嘉靖十年 辛卯十二月桃李華雷鳴

嘉靖十一年 壬辰夏飛蝗入境遮蔽天日傷禾稼

嘉靖十四年 乙未遷儒學於西門外崇壽寺(即祝聖寺)暨文孝五顯二廟址並即以舊學

建寺

嘉靖十五年 丙申天童和尚來杉山派行精嚴從遊者衆

嘉靖十九年 庚子七月朔日食無光六畜驚走漸暝如黑夜行人莫辨久之始復圓

嘉靖二十年 辛丑先是社學在城隍廟左設教讀一人今改建縣南舊學明倫堂後知府何

賀卿修府志更學名曰長林書院

嘉靖二十二年 癸卯坊市蘇檢一都畢鐸領鄉薦

嘉靖二十三年 甲辰畢鐸登進士第五名 大旱自四月不雨至六月始雨十二月雷電

嘉靖二十四年 乙巳春大饑夏又大旱民益饑死

嘉靖二十五年 丙午春多雨夏大饑秋僅熟八九都歷山竹生實可萬石民皆爲食有星自西南半空流墜有聲火焰散碎入地 春杉山天童和尚先期三日下山辭檀越返山別僧衆沐浴趺坐而化

嘉靖二十六年 丁未本縣於成化年間始創縣志至是重修

嘉靖三十一年 壬子坊市陳遠見七都沈宗果十二都彭時中同領鄉薦

嘉靖三十二年 癸丑畢鐸襄試南宮旋遷浙江督學陞湖廣左布政歷任南京戶工吏三部

石埭備志彙編

大事記稿

十四

尙書北京戶部尙書年七十告休帝存問者三卒贈太子太保諡恭介歸與海瑞立一條碑徵賦之法江南至今稱便本縣之無漕糧亦自鐸始

嘉靖四十年 辛酉坊市湯希閔八九都桂伊領鄉薦

嘉靖四十四年 乙丑湯希閔登進士仕至戶部郎中

嘉靖四十五年 丙寅先是本縣舊設土城前後瀕溪爲門者十東門小東門西門正南門就

秀門小南門南門正北門西北門東北門本年始相地定基用磚築城爲門者五東曰來

甯西曰金城南曰儀鳳小南曰清舒北曰望華城樓五東西水關二

穆宗

隆慶元年 丁卯四都章應奎領鄉薦

神宗

萬曆四年 丙子 二都施大用中武舉

萬曆七年 己卯 七都沈國興領鄉廬坊市陳一璣中武舉

萬曆十年 壬午 二都唐斌十二都彭時來中武舉

萬曆十六年 戊子 二都唐文耀中武舉

萬曆十九年 辛卯 八九都桂希呂中武舉第一名

萬曆二十三年 甲午 桂希呂領鄉廬第二坊市桂一鵠中武舉

萬曆二十四年 乙未 桂希呂登武進士

萬曆二十五年 丙申 夏五月十五日始大雨二十二日晝夜如注二十五日平地水高四丈

衝入東南城關四野盡成江河八九都山崩水溢故道無存積屍橫野廬舍漂沒十一都

溪北一山約六七畝飛越溪南壓死男婦十四五人山上樹木如故

石康備志彙編

大事記稿

十五

萬曆二十八年 庚子 坊市桂應麟領鄉廬舊仕至衡州府推官治獄詳慎修葺湘江中鼓山書

院以課諸生 二都蘇萬民中武舉

萬曆二十九年 辛丑 夏六月大寒人盡衣棉深山積雪不消至七月始熱八月大熱時吳越

及大江南北無不病者

萬曆三十一年 癸卯 一都金文光中武舉

萬曆三十二年 甲辰 知縣熊應煥再修縣志 金文光登武進士崇禎初以平江西九連洞

寇功擢授總戎不赴明亡隱居古一山著有古一山集

萬曆三十五年 丁未 大水

萬曆三十六年 戊申 大水平地丈餘魚鱉入室沿溪田廬牛畜漂沒殆盡巡撫周孔教多方

振恤

萬曆四十三年 乙卯 坊市蘇來遠中武舉

萬曆四十五年 丁巳 江北鼠啣尾渡江月餘千萬爲害散去各邑食禾稼池屬多有

萬曆四十八年 庚申 大疫秋西方彗星見大如斗拖白尾數十丈

光宗

泰昌元年 庚申 秋九月朔日申時日食無光星彗見

熹宗

天啓元年 辛酉 冬十一月大雪連晝夜至次年正月十六日始止民餓死者衆

天啓二年 壬戌 十一月地震

天啓四年 甲子 邑人在北京前門外大蔣家胡同大席胡同創建石康會館 冬十月雷

天啓六年 丙寅 秋八月飛星大如箕西北來東南去聲如雷有流光灑落如火燄九月十六

石康備志彙編

大事記稿

十六

日夜半一星漸入月中無影

思宗

崇禎四年 辛未 夏四月大雪損麥

崇禎六年 癸酉 坊市桂仲中應天解元仲母歿廬墓表孝子 蘇璽領鄉廬 十二都舒

章武舉副榜選入將材巡撫史可法調征流寇有功 時徽饒池土寇竄起創辦團練招

撫三郡連壤得以安堵

崇禎七年 甲戌 蘇璽登進士官至太僕寺卿祀鄉賢 夏六月田鼠自江北浮渡而南傷稼

崇禎八年 乙亥 史可法分守池州太平時李自成張獻忠等分擾河南安徽各地賊衆昇以

可法爲副使分巡安慶池州可法破賊于潛山

崇禎九年 丙子 可法進駐太湖掃爲右僉都御史巡撫安慶廬州太平池州四府 冬無冰

崇禎十年 六月恭慈入南斗經兩月

崇禎十一年 江南說言祀趙郡邑如狂

崇禎十二年 四月大霜如雪麥俱死八月飛蝗蔽天

崇禎十四年 春大饑病疫死者相枕籍時江南等處饑饉

崇禎十五年 坊市陳自勵一都陳邦簡領鄉薦

崇禎十六年 元旦冷風凄慘黑霧迷七日始止

崇禎十七年 春太白經天歷數月 清兵入北京福王即位於南京改元弘光

清(官制與明代同)

世祖

順治元年 三月十九日李自成陷京師明思宗自縊於煤

石埭備志彙編

大事記編

十七

山梓宮出東門邑人湯文璽布衣憫哭書其紳以文信國爲志觸梓宮死 程九萬諡知

池州府左參庚由東流以兵攻池州九萬死之 十月清自濟陽遷都北京

順治二年 五月清僉王多鐸破南京始下髮令 七月邑人武舉桂一妻陳善曾天

事等率鄉勇隨吳應箕起義白洋河抗清兵於池州兵敗應箕被執死一妻善天等率

兵由曹村退龍巖八月十二日清池郡守馬宏良(張自昌)嗣復本姓名率總領進至

龍巖一妻善天等戰歿於地嶺總兵于永綏欲屠焚七都沈氏幾至覆族賴宏良委曲

保全沈氏立生祠以祀之二十八日自昌至城中張榜安撫委楊可建攝縣事下令燹髮

除明季加派三餉石埭自此始入清室版圖 九月邑人畢永懋不屈投河遇救允爲僧

入陵陽山終其身不履城市其他如楊其仁登樓不下陳美通入歷山脫事清廷者各姓

都有 唐王朱聿鍵稱帝福州改元隆武

本縣編定徭役共一千五百八十八戶一萬零一百十八人男六千七百零六人計成丁

三千六百四十九人不成丁三千零五十七人婦女三千四百一十二人奉文編審除豁免

亡人丁七百四十九人外實編二千九百丁又除優免五百四十八丁每丁徵銀三錢五

分五厘九毫七絲一忽七微六纖九沙五塵五埃

順治三年 邑人桂有煙殉唐王之難於江西撫州(乾隆四十年追諡節愍) 八月邑

人陳昭李元騏領鄉薦 全邑大飢邑人蘇際應首捐穀倡賑災 十月初十日地震

順治四年 頒大清律制編戶口法十戶立牌頭十牌立一甲頭十甲立一保長戶給印

牌書其姓名出入註其往來寺觀旅館一體頒給凡賣田地房屋增用契尾每兩輸銀三

分

順治五年 夏村蘇汝霖領鄉薦 旌孝子周邦綉(上五都四甲)

石埭備志彙編

大事記編

十八

順治六年 邑人胡汝澤首捐穀二百石以備賑 廣江南省爲江蘇安徽兩省安

徽領府八直隸州五石埭等六縣仍屬於池州府

順治八年 頒均田法將全縣田畝六萬一千八百畝畝均五百六十畝爲一甲地彼

注此平均攤負民無偏累 十三都舒雲龍陳聖典中武舉

順治九年 蘇汝霖登鄉忠倚榜進士 訓導願言集合邑紳士講學於陵陽書院刊道

學正宗 始置馬田以養驛馬由部頒銀四百五十一兩七錢四分二厘五毫八絲購田

一百畝零三分八厘餘至是里甲可免津貼之累

順治十四年 知縣高駿升重修文廟 閏六月大水 十一月雷鳴 十二月十二日

地震 邑人七都沈德載中武舉

順治十六年 明將鄭成功由崇明入江抵金陵張煌言別取徽寧諸路東南大震民思

反清石壕威嚴

順治十七年庚子知縣王太初重修文廟竣工 邑人曾元升中武舉 嚴禁士子結社集

會 春四都境內有虎始食一僧相繼食一百八十餘人

聖廟

康熙元年壬寅考試停止八股文

康熙二年癸卯七都沈鳴珂中武舉

康熙三年甲辰邑人沈德載登武進士 次年仍用八股文取士并免順治以前通風

康熙五年丙午七都沈德載中武舉是年武科新例頭場試策五道二場試四書論經論各

一篇

康熙六年丁未二月知縣姚子莊條陳錢糧六弊六法釐革舊弊以歸劃一至今稱便 沈

石壕備志彙編

大事記稿

十九

鳴珂登武進士

康熙八年己酉歲饑邑人湯懋廉桂友義等首倡捐穀備賑并捐鉅貲新建尊經閣 七都

沈德智中武舉

康熙九年庚戌沈德智登武進士

康熙十一年壬子秋大旱冬十二月姚子莊頒發賑放至次年四月始止民多德之 是年

頒聖諭十六條立碑於明倫堂 次年癸丑廷議撤藩撤藩仍吳三桂以雲南反 邑

人蘇汝霖任廣西提學十九年回京

康熙十二年癸丑坊市桂自錦七都沈德藩十二都舒立誠中武舉

康熙十三年甲寅沈德藩登武進士

康熙十四年乙卯姚子莊重輯石壕縣志八卷 五月子莊上疏稱新安衛丁地保火夫封

船五議石壕自此免封船之役 八九都胡日升七都沈明徽十二都彭拱湯聖中武

舉

康熙十七年戊午吳三桂即位衡州國號周改元昭武三桂卒其孫世璠立改元洪化江南

戒嚴

康熙二十年辛酉祀前知縣姚子莊於東門外長林書院

康熙二十三年甲子邑人彭紀舒朝模中武舉

康熙二十四年乙丑湯聖登武進士 僧海順及胡金門築修石門嶺建步雲庵於嶺巔化

峻嶺爲康莊至今稱便

康熙二十九年庚午知縣趙承烈續輯縣志附印於姚志原版之後 沈明徽登武進士邑

人章樂登中武舉

石壕備志彙編

大事記稿

二十

康熙三十八年己卯邑人蘇鍾麟領鄉薦沈自珍舒孟嘉中武舉

康熙四十五年丙戌流沙嶺賊起巨剽日萬縣縣林並掘砌石河洞長五丈許如城門然爲

吾邑大建築之一

康熙四十七年戊子彭拱登武進士陳自牧領鄉薦 五月大水四五都被災尤甚打傘培

(路名通微要道)一帶奔潰人畜淹斃無算次年僧隱行鑿石築路 蠲免本年丁地錢

糧又發穀賑卹又全蠲次年丁地錢糧

康熙五十二年壬辰知府馬世永重修池州府志 頒發生人丁永不加賦詔 治江南科

場大獄

康熙五十二年癸巳邑人李天籟領鄉薦

康熙五十四年乙未大旱自五月十三日微雨至十月雨始足一望赤地禾稼焦枯知縣朱

申報發倉大振

康熙五十六年 嚴禁傳布天主教

康熙五十七年 六月二十八日大水比四十七年只少一尺合邑被災 邑人畢玉履

領鄉薦

康熙年待考邑人蘇順創設蘇氏文苑捐田租二百石爲此後全縣士子鄉會試卷燭之資

(按此項田租現歸縣府教育科每年收支)

康熙五十九年 邑人舒創中武舉

世宗

雍正元年 定丁銀攤入地糧內徵收例特除開墾水田以六年起科旱田十年起科凡

有可墾之地聽人民自墾自報官吏不得勒索阻撓 嚴禁百姓代賄州縣虧空並命停

石康備志彙編

大事記稿

二十一

捐例

雍正七年 設常平倉社倉令削除伴當世僕(俗呼小戶)等籍與編氓同列按戶編審

契稅每兩三分之外加徵一分爲科場經費

雍正八年 知縣蔡廷翰以城垣傾圮商議修葺事未竟以丁艱去任知縣盧百朋集款

九百餘兩補築重新城樓雉堞屹然堅固

雍正十年 邑人楊有定領鄉薦 開除懷桐宿南涇旌石東當等縣茶引八千九百引

雍正十一年 命各省設立書院知府李璋增廣試院興秀山書院(六縣公產)勸課尤

勤

雍正十三年 邑人桂朝獻領鄉薦

高宗

乾隆元年 詔試博學宏詞坊市桂含章(著有春秋比事參義十六卷四書益智錄二

十卷左傳類纂一卷一與試以病歸 邑人沈德馨領鄉薦 是年領十三經二十一史

於各省及府州縣學并頒定營造尺

乾隆六年 邑人沈樂成領鄉薦 採訪遺書 次年壬戌定選拔貢生爲十二年一次

例

乾隆八年 邑人陳鳳苞張應翔蘇德晉等始建文昌閣於東門外

乾隆九年 鹿孝子方成(上五都三甲)陳夢選(上五都三甲)入祀忠義祠 次年丙

寅普免各省錢糧一次

乾隆十二年 邑人陳洪善桂作霖同領鄉薦

乾隆十四年 知縣石希鑾續修縣志八卷未刊行而卒僅存稿前四卷民國二十四年

石康備志彙編

大事記稿

二十一

印成

乾隆十五年 邑人蘇啟領鄉薦

乾隆十七年 邑人桂聖俞李一瑞同領鄉薦

乾隆十八年 邑人沈應領鄉薦

乾隆二十一年 知縣余模復修文廟知縣吳文濤於竣工時勒石旌忠義李用賈(字

國秀一都五甲)左繼當(字匡正老三都三甲)柳世恩(字南北二都甲)孝子楊

永顯(下五都三甲)義士陳景芳(字子春市都八甲)方守仁(上五都二甲)楊

時運(四都三甲)蘇注(字時東一都七甲)入祀忠義祠(祠在文廟西隅今圯有碑

可考)

乾隆二十二年 大南巡 詔會試易表判爲詩易經文於二場次年復於頭場增性